

**Pitanja i odgovori u vezi sa Javnim pozivima za finansiranje odnosno sufinansiranje programa, odnosno projekata od javnog interesa iz Odjeljenja za privredni razvoj, sport i kulturu broj predmeta: 39-000047/23, broj akta: 13-1153PG-0029/23 i broj predmeta: 39-000048/23, broj akta: 13-1153PG-0022/23**

- 1. Oblast ljudskih resursa u cjelokupnom projektu podrazumijeva do 30 %. Molimo Vas da nam navedete koji su to ljudski resursi koje možemo prikazati pod ovom oblasti.**

**Odgovor:** Ljudski resursi u projektu su lica koja odgovaraju za planiranje i provođenje stalnih projektnih aktivnosti u skladu sa odobrenom aplikacijom i ugovorom sa aplikantom o obavljanju tih poslova. Ta lica su angažovana tokom kompletne realizacije projekta i čine i ih:

- menadžer projekta,
- koordinator projekta,
- administrator,
- sekretar,
- asistenti na projektu,
- trener,
- pomoćni trener,
- ekonom,
- tehnička lica,
- ostala lica koja nisu nabrojana a ispunjavaju uslove definisane za ovu kategoriju.

- 2. Postoji li razlika angažovanih osoba koji su neophodni za realizaciju projekta i pripadaju u oblast aktivnosti sa ljudskim resursima iz pitanja broj 1?**

**Odgovor:** Postavljeno pitanje nije u potpunosti jasno. Ukoliko se odnosi na razliku između ljudskih resursa i stručnjaka, razlika postoji. Ko čini ljudske resurse je navedeno u odgovoru na prethodno pitanje, a stručnjaci se nalaze u liniji 6 "Ostali troškovi, usluge" predviđenog budžetu.

Stručnjaci u projektu su lica koja odgovaraju za planiranje i vođenje, tačno određenih povremenih aktivnosti u svrhu realizacije projekta u skladu sa odobrenom aplikacijom i ugovorom sa aplikantom za izvršenje navedenih poslova. Aktivnosti moraju biti takvog karaktera da su neophodne za realizaciju projekta te je za njih potrebno imati tačno određena zvanja, vještine i nivo stručne spreme neophodne za obavljanje navedenih poslova, i čine ih:

- sudije,
- delegati,
- ostala službena lica propisana pravilima sportskih saveza na nivou BiH,

- predavači iz različitih oblasti,
- profesori iz određenih oblasti u svojstvu predavača,
- umjetnici iz oblasti pozorišne umjetnosti,
- umjetnici iz oblasti filmske umjetnosti,
- umjetnici iz oblasti likovna umjetnost,
- umjetnici iz oblasti muzička umjetnost,
- umjetnici iz ostalih oblasti,
- ostali stručnjaci koji nisu nabrojani a ispunjavaju uslove definisane za ovu kategoriju.

**3. Ukoliko je u samom projektu neophodan radnik na održavanju igrališta/ dvorane, imamo li mogućnost uvrstiti platu za ovu osobu? Ukoliko da, gdje se nalazi u budžetu?**

**Odgovor:** Imate mogućnost uvrstiti platu za ovu vrstu angažovanja određene osobe i tada bi ta vrsta troška bila uvrštena u budžetsku liniju 1 “Ljudski resursi” predviđenog budžeta.

**4. Da li treneri u sportskim ekipama spadaju u ljudske resurse, imajući u vidu da je to direktan trošak aktivnosti na projektu?**

**Odgovor:** Da, treneri sportskih ekipa spadaju u ljudske resurse.

**5. Možemo li u projektu uvrstiti materijalni trošak koji je neophodan za održavanje igrališta/ dvorane i opreme?**

**Odgovor:** Da, možete.

**6. Postoji li ograničenje u odvajanju sredstava za opremu?**

**Odgovor:** Ne postoji ograničenje, ali kako je Javnim pozivom predviđeno u dijelu Odredbe o prihvatljivim i neprihvatljivim troškovima, pod tačkom 1) linije c), d) i e) , te pod tačkom 2) – “Troškovi navedeni u budžetu programa odnosno projekta od javnog interesa moraju se zasnivati na realnoj cijeni i/ili procjeni. Budžet programa odnosno projekta mora biti planiran ekonomično, troškovi moraju biti neophodni za provođenje programa odnosno projekta od javnog interesa.”

**7. Je li dozvoljena kupovina opreme za održavanje igrališta/dvorana?**

**Odgovor:** Da, jeste.

**8. Je li dozvoljena kupovina opreme za kancelarije a vezana je za projekte tipa laptop, stolovi, stolice, programi?**

**Odgovor:** Da, jeste.

**9. Može li se sportska oprema kupovati za sve kategorije u klubu?**

**Odgovor:** Da, može.

**10. Kako navesti kupovinu sportske opreme u projektu (u setu, pojedinačno, paušal ili ...)**

**Odgovor:** Ukoliko je poznata cijena i potrebna količina najbolje je opremu kupovati pojedinačno. Ukoliko ovaj trošak nije moguće jasno definisati, možete ga predvidjeti i kao paušal.

**11. Ako je oprema kupljena prošle godine za klub, može li se ove godine kupovati ili bar dijelomično (oštećenje, novi članovi i sl)**

**Odgovor:** Ukoliko je udruženje ili sportski klub dobilo finansiranje za tu svrhu prošle godine, ove godine može aplicirati za istu samo ukoliko su potrebne nove količine (novi članovi) ili je došlo do trajnog oštećenja.

**12. Putni troškovi spadaju u indirektni ili aktivnosti ako se odnose na trošak putovanja na utakmice i slično?**

**Odgovor:** Direktni i indirektni troškovi su jasno navedeni u samom Javnom pozivu u dijelu koji se odnosi na Odredbe o prihvatljivim i neprihvatljivim troškovima pod tačkom 3) i tačkom 4).

**13. Može li se iznajmljivati vozilo za prevoz takmičara? Da li je to direktni ili indirektni trošak?**

**Odgovor:** Direktni i indirektni troškovi su jasno navedeni u samom Javnom pozivu u dijelu koji se odnosi na Odredbe o prihvatljivim i neprihvatljivim troškovima pod tačkom 3) i tačkom 4).

**14. Ako možemo iznajmljivati vozila za potrebe prevoza u svrhu projekta, mora li biti firma koja se bavi prevozom ili ne i može li biti privatno lice koje iznajmljuje vozilo po ugovoru?**

**Odgovor:** Vozila za potrebe prijevoza najbolje je iznajmljivati od već registrovanih pravnih subjekata za tu svrhu radi kasnijeg lakšeg i jednostavnijeg pravdanja utrošenih sredstava, ali

ukoliko ne postoji takva mogućnost ili je u pitanju npr. manji broj takmičara možete iznajmiti vozilo i od fizičkog lica uz potpisan ugovor sa istim i uplatom za izvršenu uslugu preko žiro-računa.

**15. Kako možemo plaćati sredstva za ishranu na gostujućim utakmicama?**

**Odgovor:** Sva sredstva dodijeljena putem Javnog poziva za programe odnosno projekte od javnog interesa imaju biti utrošena u skladu sa Zakonom o platnom prometu Brčko distrikta BiH.

**16. Da li je prihvatljiv trošak ishrane u Brčkom nakon koje ekipa ide na gostujuću utakmicu?**

**Odgovor:** Jeste.

**17. Ukoliko je ograničenje sredstava za ligu potrebno u cijelosti za prvi tim, kako možemo aplicirati za sredstva u mladim kategorijama?**

**Odgovor:** Aplicirati možete drugim programom, odnosno projektom u kategoriji u kojoj se nalaze omladinski pogoni.

**18. Ukoliko se osobe/stručnjaci, higijeničari i sl. angažuju za mjesec dana koliko je prihvatljiv trošak?**

**Odgovor:** Taj trošak je prihvatljiv za onaj period na koliko su lica angažovana.

**19. Ukoliko se stručnjaci angažuju na dnevnom iznosu, imamo li prihvatljivi iznos honorara?**

**Odgovor:** Ne postoji ograničenje, ali kako je Javnim pozivom predviđeno u dijelu Odredbe o prihvatljivim i neprihvatljivim troškovima, pod tačkom 1) linije c), d) i e) , te pod tačkom 2) – “Troškovi navedeni u budžetu programa odnosno projekta od javnog interesa moraju se zasnivati na realnoj cijeni i/ili procjeni. Budžet programa odnosno projekta mora biti planiran ekonomično, troškovi moraju biti neophodni za provođenje programa odnosno projekta od javnog interesa.”

**20. Da li su prihvatljivi troškovi edukacija i obaveznih licenciranja u sklopu projekta?**

**Odgovor:** Da, jesu.

**21. Imamo li ograničenja za reklamnu kampanju?**

**Odgovor:** Ne postoji ograničenje, ali kako je Javnim pozivom predviđeno u dijelu Odredbe o prihvatljivim i neprihvatljivim troškovima, pod tačkom 1) linije c), d) i e) , te pod tačkom 2) –

“Troškovi navedeni u budžetu programa odnosno projekta od javnog interesa moraju se zasnivati na realnoj cijeni i/ili procjeni. Budžet programa odnosno projekta mora biti planiran ekonomično, troškovi moraju biti neophodni za provođenje programa odnosno projekta od javnog interesa.”

**22. Može li projekat sačinjavati obuke i kampanje u sportu ili kulturi kao glavnu aktivnost projekta?**

**Odgovor:** Ne. Program, odnosno projekat mora sadržavati određenu aktivnost iz oblasti sporta ili kulture.

**23. U kojoj oblasti finansiranja se nalaze Atletski klubovi?**

**Odgovor:** Atletski klubovi mogu aplicirati u oblastima koje se nalaze u Javnom pozivu u dijelu Finansijski okvir, pod tačkom 2), linija g) oblast turnirski amaterski sport, takmičenja na međunarodnom nivou, pojedinačni sportovi, minimalni iznos je 1.000,00KM, a maksimalni iznos je 30.000,00KM, i linija h) oblast turnirski amaterski sport, takmičenja na nivou Bosne i Hercegovine, pojedinačni sportovi, minimalni iznos je 1.000,00KM, a maksimalni iznos je 15.000,00KM.

**24. Da li je prihvatljiv trošak iznajmljivanja terena za Sport ukoliko Vlada nema isti (Kuglana, teretana ...)?**

**Odgovor:** Jeste, to je prihvatljiv trošak.

**25. Prilikom apliciranja u oblasti škole sporta kako dokazujemo da je organizacija školica sporta a da to nestoji u nazivu ?**

**Odgovor:** Kopijom rješenja izdatog od strane Suda, Izvodom iz Sudskog registra i Statutom udruženja.

**26. U koju oblast aplicira organizacija Tekwando klub ili Atletski klub (grupni ili individualni), s obzirom da se takmiče na oba načina ?**

**Odgovor:** Organizacije, odnosno udruženja koja se takmiče u svakoj kategoriji mogu da samostalno odluče u kojoj kategoriji će aplicirati ili da apliciraju sa više programa, odnosno projekata u različitim kategorijama.

**27. U koju oblast se prijavljuje organizacija \*\*\* , imajući u vidu da u Javnom pozivu pod 1) stoji oblast kulture , osim projekata iz oblasti nacionalne kulture Srba, Bošnjaka i Hrvata ?**

**Odgovor:** Određeno udruženja može da aplicira u svim oblastima koje su predviđene Statutom samog udruženja, odnosno u svim oblastima za koje je kao takvo registrovano u Sudu.

**28. Može li se oprema kupovati od privatnih lica. Ugovor o djelu za nabavku iste ?**

**Odgovor:** Nabavka roba od subjekata koji ne mogu izdati račun (npr. fizička lica koja nisu registrovana za obavljanje djelatnosti) nisu dozvoljena, izuzev nabavka polovne opreme, robe, slika, muzejskih eksponata, ruketvorina i sl. a koja ne mogu biti nabavljena u privrednim subjektima za obavljanje te djelatnosti i neophodna su za relazaciju programa odnosno projekta od javnog interesa uz obavezu sklapanja ugovora o predmetnoj nabavci kao i obavezu isplate preko žiro-računa korisnika sredstava.

**29. Može li se oprema kupovati van granica BiH ? Jesu validne ponude iz Inostranstva ?**

**Odgovor:** Oprema se može kupovati i van granica BiH shodno Zakonu.

**30. Možemo li planirati troškove goriva za pripremu dešavanja ?**

**Odgovor:** Da, možete.

**31. Možemo li planirati pripremne utakmice u projektu ?**

**Odgovor:** Da, možete.

**32. Možemo li planirati odlazak na pripreme ekipe?**

**Odgovor:** Da, možete.

**33. Kako riješiti pitanje putnih troškova gdje je ranije odabrani najbolji ponudžać povećao cijene?**

**Odgovor:** S obzirom na to da su u Javnom pozivu u dijelu Finansijski okvir, pod tačkom 3) *Maksimalni iznos za pokriće administrativnih troškova (sredstva rezervi za neplanirane situacije u svrhu realizacije projekta i programa) je 10% od ukupnog iznosa dobijenih sredstava* i pod tačkom 5) *Maksimalni iznos prenamjene sredstava sa jedne na drugu budžetsku stavku je 10% od ukupnog iznosa dobijenih sredstava.*, predviđena sredstva rezervi i prenamjene, smatramo da biste korištenjem ovih mogućnosti mogli prevazići mogući problem.

**34. Možemo li planirati organizaciju donatorske večeri ili slične manifestacije na kojoj bi dodjelili zahvalnice i prikupljali priloge (Hrana i osvježenje)**

**Odgovor:** Ne.

**35. Ukoliko cijene izrazimo za pojedinačne stavke imamo problem oko nivelacije cijena na tržištu. Da li je prihvatljiv paušalni način obračuna ?**

**Odgovor:** Sredstva moraju biti opravdana u skladu sa Aneksom IV, odnosno sa predviđenim budžetom u samoj aplikaciji na Javni poziv.

**36. Da li je dozvoljeno isplaćivati sredstva za sudije i delegate gotovinski ?**

**Odgovor:** Nije dozvoljeno isplaćivati sredstva gotovinski u ovu svrhu.

**37. Da li su sredstva dobijena od Skupštine Brčko distrikta ili Gradonačelnika a nisu opravdana jer nije gotova manifestaci prepreka za odobravanje sredstava po ovom pozivu ?**

**Odgovor:** Zakonom o izvršenju Budžeta Brčko distrikta BiH su definisani rokovi za pravdanje i dodjelu finansijskih sredstava.

**38. Po propozicijama takmičenja svaka utakmica mora da ima osoblje (doktori, obezbjećenje i sl) . Da li su to opravdani troškovi koje možemo pokriti projektom ?**

**Odgovor:** Da, to su opravdani troškovi.

**39. Može li se izvještaj donositi na mjesečnom nivou te na taj način izbjeći greške u pravdanju sredstava ?**

**Odgovor:** Ugovorom između Odjeljenja Vlade Brčko distrikta BiH i korisnika sredstava su definisani rokovi za finansijsko izvještavanje.

**40. Šta ako ponudžaci nežele dati pismenu ponudu ? Prihvata li se Istraživanje tržišta ?**

**Odgovor:** Ukoliko ponuđač ne želi dati pismenu ponudu, nađite novog ponuđača.

**41. Imate li okvirne prihvatljive cijene za artikle , štampani materijal, i ostalo ?**

**Odgovor:** Ne postoje okvirne cijene, ali kako je Javnim pozivom predviđeno u dijelu Odredbe o prihvatljivim i neprihvatljivim troškovima, pod tačkom 1) linije c), d) i e) , te pod tačkom 2) – Troškovi navedeni u budžetu programa odnosno projekta od javnog interesa moraju se zasnivati na

realnoj cijeni i/ili procjeni. Budžet programa odnosno projekta mora biti planiran ekonomično, troškovi moraju biti neophodni za provođenje programa odnosno projekta od javnog interesa.

**42. U koje oblasti apliciraju klubovi borilačkih vještina ?**

**Odgovor:** Klubovi borilačkih vještina mogu aplicirati u oblastima koje se nalaze u Javnom pozivu u dijelu Finansijski okvir, pod tačkom 2), linija g) oblast turnirski amaterski sport, takmičenja na međunarodnom nivou, pojedinačni sportovi, minimalni iznos je 1.000,00KM, a maksimalni iznos je 30.000,00KM, i linija h) oblast turnirski amaterski sport, takmičenja na nivou Bosne i Hercegovine, pojedinačni sportovi, minimalni iznos je 1.000,00KM, a maksimalni iznos je 15.000,00KM.

**43. Molimo vas da odgovorite na pitanje da li naše udruženje \*\*\* ima pravo aplicirati i za sredstva koja su navedena u Javnom pozivu pod stavkom d) za programe i projekte od javnog interesa u oblasti kulture (150.000,00KM), s obzirom na to da ćemo aplicirati za sredstva predviđena pod stavkom g) za programe i projekte od javnog interesa iz oblasti nacionalne kulture \*\*\* (50.000,00KM).**

**Odgovor:** Vaše udruženje ima pravo aplicirati i pod stavkom koju ste naveli u samom pitanju.

Napomena:

- 1) Pitanja su numerisana i ispod svakog je naveden odgovor za isto.
- 2) Simboli \*\*\* su navedeni iz razloga što su pitanja sadržavala nazive samih udruženja koja smo izostavili radi zaštite podataka.